

Script Of Morning Gojri News Bulletin 14 May 2024 at 1015Hrs

ما رنینگ گو جری نیو ز بلیٹن مو رخہ 14 مئی 2024

<><><><><><><><><><><><><>

یوہ آکا شوانی جموں بے عبدالرحمن شاپین تیں خبر سُنو۔

Polling Srinagar

اٹھارویں لوک سبھا غا عام انتخابات گا چوتھا مرحلہ غے تحت کل ووٹینگ پُرامن طور و اختتام پذیر ہو گئی۔ جس دوران سرینگر، گاندر بل، پلوامہ تے بڈگام و شوپیان غا کُجھ حصال مانہ 37 عُمده 99 فیصد ووٹینگ درج کی گئی ہے۔ اس تیں پہلاں غا 2019 مانہ لوک سبھا انتخابات غے دوران ات ووٹی نگ 14.43 فیصد ہی تھی۔ اس با رات کوئی وی با ٹیکاٹ نہیں تھو تے کسے وی پولینگ مرکز و صفر فیصد ووٹینگ نہیں ہوئی۔ یاه پھر ووٹینگ تیں بالکل کھالی نہیں رہیو۔ جس تیں ظاہر وے جے لوکاں نانہ جمہوری نظام و پُختہ پروسو بے تے وے یوہ جا نیں جے مجموعی پہلائی بہتری غی خاطر یوہ ضروری ہے۔ ان گلاں غو اظہار اعلیٰ چناؤ افسر پانڈورنگ کے پولے نے چل ریا لوک سبھا چناؤ غا چوتھا مرحلہ غے دوران کل بو ٹی پولینگ با رے تفصیلات دیتاں واکھیو۔ اعلیٰ چناؤ افسر نے اس بدھتی شرح پولینگ غی کامیابی غے پچھے اس گل غی مناسبت نانہ جوڑیو جے پچھلا 5/4 بہراں غے دوران امن و قانون غو ماحول تے حفاظتی صورتحال بہتر ہوئی ہے۔

<><><><><><><><><><><><><>

LG Sinha

لیفٹنٹ گورنر منوج سنہا نے کل سرینگر پارلیمانی حلقہ مانہ بڑی تعداد مانہ ووٹینگ با رے تمام لوکاں تے دوجا شراکت داراں نانہ مبارکباد پیش کی ہے۔ اک سماجی ذرائع ابلاغ پیغام مانہ لیفٹنٹ گورنر نے کہیو ہے جے لوکاں نے کل سرینگر پارلیمانی حلقہ مانہ بڑی تعداد مانہ سامنے آ غے ووٹ کھلیا ہیں تے لوکاں نے جمہوریت اور آئین وراپنا یقین تے پروسہ نانہ ظاہر کیو ہے۔ اُنہاں نے آزادانہ، منصفانہ، پُرامن تے احسن پولینگ منعقد کروان واسطے تمام شراکت داراں غی محنت نانہ سراہیو ہے۔ اُنہاں نے کہیو جے جمہوریت غا اس سب تیں بڑا تہوار مانہ زبردست بدھتی شرح ووٹینگ نانہ دیکھ غے دل خوش وے۔

حوصلہ افزائی کی جا رہی ہے۔ انہاں نے کہیو جے اضافی طور باجرہ، مشروم، تجارتنی، پُہلبنی تے تیل غا بیجاں آلا پروجیکٹاں ور توجو مرکوز کی جارہی ہے۔ جس غو مقصد کساناں غی آمدن نانہ بہدانوبے۔ ڈپٹی کمشنر کٹھوعہ نے ان سنگ جڑتا سیکٹرالی سکیمان جس طرح کہ مال چوکھر، بھیڑ پالن، ماہی پروری، باغبانی غی اہمیت نانہ وی اُجاگر کیو۔ انہاں نے مزید مستحق افراد تک یہ فائدہ پہنچان ور زور دتو۔ تا نجے پورہ ضلع مانہ وسیع ذری ترقیاتی پروگرام غا اثر نانہ بدھایو جا سکے۔

<><><><><><><><><><>

BBBP Ramban

ڈپٹی کمشنر رام بن بصیر الحق چودھری غی صدارت مانہ بیٹی بچاؤ بیٹی پڑھاؤ با رے ضلع ٹاسک فورس کمیٹی غی کل اک میٹنگ غے دوران سال 25/2024 واسطے عملی منصوبہ ور غورکیو گیو۔ ضلع سماجی پھلائی بہتری افسر رابول گپتا نے اس سکیم غا مقصد با رے ممبراں نانہ واقف کرایو۔ بیٹی بچاؤ بیٹی پڑھاؤ غو مقصد بچیاں نانہ بچانو تے انہاں نانہ پڑھانو ہے اور اس با رے محکمہ صحت غی طرفوں بہت ساری کا روائیں تجو یز کی گئی ہیں۔ جس طرح کہ غذائیت، صفائی ستھرائی تے برتاؤ با رے تمام شراکت داراں مانہ بیداری مہم پھیلانو۔ ڈپٹی کمشنر موصوف نے تمام شراکت دار محکماں نانہ کہیو جے وے آپس مانہ نزدیکی تال میل سنگ کم کرتاں واں پنچائیتاں نانہ یونٹ بناتاں واں حقائق و اعدادو شمار غی بنیا د وراک وسیع عملی منصوبو تیار کریں۔

<><><><><><><><><><>

DC Samba

ڈپٹی کمشنر سانہ ابھشیک شرما نے کل ڈی سی دفتر مانہ شراکت داراں سنگ اک با ت چیتی اجلا س منعقد کروایو۔ جس دوران ضلع سانہ مانہ خاص کر مشہو ر سیاحتی مرکزیاں جس طرح کہ چیچی ماتامندر، شری نار سنگھ دیو جی مندر، بابا سیدھ گو ریا، بابا چملیال، سانہ قلع تے موگر گڑھ قلعہ ور صفائی ستھرائی و سیلانی سہولیات بدھان با رے تو جو مرکوز کرن ور زور دتو گیو۔ ڈپٹی کمشنر موصوف نے مقامی لوکاں غی حوصلہ افزائی کی جے وے سیلانی ڈھانچہ مانہ سرمایا کا ری کریں تا نجے سیلانی غی ضرورتاں نانہ پوراں کیو جا سکے۔ انہاں نے کہیو جے سانہ

ضلع مانہہ سیلانی صلاحیت موجود ہیں تے سیاحتی ڈھانچہ غی تعمیر با رے ضلع انتظامیہ غو پورو تعاون رہ گو۔ اُنہاں نے کہیو جے سیا حتی بابدہ سنگ دیہی اقتصادیات نانہہ وی تقویت ملے گی۔

<><><><><><><><><><><><><>

Hajj Pilgrims

ڈپٹی کمشنر پونچھ یسین ایم چودھری نے بری جھنڈی دس غے ضلع پونچھ تیں 31 مرداں تے 11 خواتین ور مشتمل حج ذائیرین 42 افراد آلا پہلا قافلہ نانہہ روانہ کیو ہے۔ ڈپٹی کمشنر موصوف نے سفر محمود ور جان آلا عازمین حج سنگ با ت چیت کی، اُنہاں نانہہ مبارکباد پیش کی۔ تے متبرک حج کعبہ غی کامیاب تکمیل با رے اپنی نیک خوبشات پیش کیں۔ اُنہاں نے دسیو جے حج ذائیرین نانہہ متبرک سفر محمود ور لیجان با رے تمام ضروری انتظامات کر رکھیا گیا واہ ہیں۔ اُنہاں نے رستہ مانہہ کسے وی مدد با رے ضلع انتظامیہ سنگ رابطو کرن غو مشورو وی دتو۔

<><><><><><><><><><><><><>

اس غے نال ہی خبراں غو یوہ بلیٹن ختم ہوؤ۔